

tur, & multis prodigiis, & signis per Apostolos in Ierusalem factis, omnes bona omnia sua inter se communia fecere. Ex Act. 2.

Petrus in nomine Iesu Christi claudum sanat.

XXXIV. A Petro & Ioanne ascendentibus in Templum ad horam orationis nonam, vir quadragenarius claudus ab utero matris, & mendicans, eleemosynam petit. Petrus illum in Nomine Iesu Christi Nazareni sanavit, & apprehensa ejus manu dextera allevavit, ita ut ipse intraret cum illis in Templum ambulans, & laudans Deum: populoque ad rei novitatem concurrenti. Petrus id in Iesu Christi nomine factum esse asserit: Christumque eum esse Messiam, quem Moyses & Prophetæ promiserant. Ex Act. Ap. c. 3.

Petrus & Ioannes quod Iesum Christum prædicarent, in custodiam conjiciuntur; deindeque liberi dimittuntur.

XXXV. In Petrum & Ioannem Sacerdotes, & Magistratus Templi, & Sadducæi manus injecerunt, cumque postero die interrogarent eos, in qua virtute hæc facerent, Petrus repletus Spiritu Sancto, hæc facere se dixit in Nomine Domini nostri Iesu Christi Nazareni, quem illi crucifixerant, & quem Deus suscitaverat a mortuis: & in hoc nomine claudum coram ipsis stare sanum, idque omnibus ipsis, & toti plebi Israël notissimum esse. Illi ergo videntes Petri & Ioannis constantiam, liberos eos dimisere, contenti prohibuisse ne amplius docerent, aut loquerentur in Nomine Iesu. Petrus & Ioannes ad suos redeuntes, cum majori fiducia testimonium dabant de Christi Resurrectione, & ad ejus gratiam prædicandam firmati sunt. Ex Act. Ap. 4.

Petrus Ananiam & Saphiram anathemate ferit.

XXXVI. Petrus Ananiam & uxorem ejus, qui de agro divendito partem fraudaverant, anathemate ferit, ut qui non hominibus, sed Deo mentiti essent. Ex cap. 5. Act. Ap. vers. 1... 11.

Petrus signa multa facit, etiam in eos, quos ejus umbra tangebatur.

XXXVII. Per manus Apostolorum fiebant signa & prodigia multa in plebe, ita ut per plateas infirmi in lectulis & grabatis suis deponerentur, ut veniente Petro, saltem umbra ejus obumbraret eos, & liberaret ab infirmitatibus suis. Concorrebat etiam multitudo vicinarum civitatum afferentes ægros, & vexatos à spiritibus immundis, qui curabantur omnes. Ex Act. Ap. 5. vers. 12... 16.

Petrus & Apostoli in custodia publica deponuntur, cæsiq; virgis dimittuntur.

XXXVIII. In Petrum, & Apostolos iterum Principes Sacerdotum, & Sadducæi injecerunt manus, & posuerunt eos in custodia publica. Sed Angelo Domini per noctem portas carceris

aperiente, & eos educente, in Templum postridie redierunt, populumque Christi gratiam docuerunt... Eos autem iterum Magistratus in consilium suum reduxerunt, quæsti quod præter inhibitionem, quam audierant, iterum plebem docerent. Petrus & Apostoli respondent, oportere se Deo obedire non hominibus.... Hæc cum audissent (Magistratus) dissecabantur, & cogitabant interficere illos. Sed Gamalielis consilio ad humaniorem sententiam revocati, Apostolos virgis cæsos dimiserunt, & ne omnino loquerentur in Nomine Iesu denuntiaverunt. At illi læti à conspectu concilii abierunt, quod digni habiti fuissent pro Nomine Iesu contumeliam pati, & omni die non cessabant in Templo, & circa domos docere, & evangelizare Christum Iesum. Ex Act. Ap. 5. vers. 17... 42.

Petrus & Ioannes in Samariam mittuntur.

Post Stephani martyrium, facta est persecutio magna in Ecclesia quæ erat Ierosolymis; & omnes Discipuli dispersi sunt per regiones Iudææ, & Samariæ præter Apostolos. Philippus (Diaconus) descendens in civitatem Samariæ prædicabat illis Christum: & tanta signa faciebat in spiritibus immundis ejiciendis, & infirmitatibus curandis, ut plures ex Samaritanis, & inter eos Simon Magus, in Christo crediderint. Cum autem audissent Apostoli, qui erant Ierosolymis, quod recepisset Samaria Verbum Dei, miserunt ad eos Petrum & Ioannem, qui cum venissent, oraverunt pro ipsis, ut acciperent Spiritum Sanctum (tantum enim erant baptizati in Nomine Domini Iesu) & imponebant manus super illos, & accipiebant Spiritum Sanctum. Quod cum vidisset Simon Magus, petiit & ipse pecuniam obtulit, ut sibi potestas concederetur dandi Spiritum Sanctum: Sed à Petro acriter reprehensus & monitus est, ut ob id pœnitentiam ageret. Ex Act. Ap. 8. vers. 1... 24.

Petrus Lyddæ Æneam paralyticum curat.

Saulo (qui postea Paulus) ex persecutore XL ad Christum converso, Ecclesia per totam Iudæam, Galilæam, & Samariam habebat pacem & ædificabatur ambulans in timore Domini, & consolatione Spiritus Sancti replebatur, & factum est dum Petrus pertransiret universos, deveniret ad Sanctos, qui habitant Lyddæ: & invenit ibi hominem nomine Æneam paralyticum ab annis octo jacentem in grabato, & ait illi Petrus: Ænea, sanat te Dominus Iesus Christus: Surge & sterne tibi, & continuo surrexit, & viderunt eum (Æneam) omnes, qui habitant Lyddæ, & Saronæ, qui conversi sunt ad Dominum. Ex Act. 9. vers. 31... 35.

Petrus in Ioppe Tabitham à mortuis suscitavit, ibique moratur aliquandiu apud Simonem coriarium.

In Ioppe discipula nomine Tabitha five Dor-